

Нет автора

Полное собрание русских летописей

Том 15

**Москва
«Книга по Требованию»**

УДК 304
ББК 60.5
Н57

Н57 **Нет автора**
Полное собрание русских летописей: Том 15 / Нет автора – М.: Книга по Требованию, 2021. – 261 с.

ISBN 978-5-4241-8838-1

ISBN 978-5-4241-8838-1

© Издание на русском языке, оформление
«YOYO Media», 2021
© Издание на русском языке, оцифровка,
«Книга по Требованию», 2021

Эта книга является репринтом оригинала, который мы создали специально для Вас, используя запатентованные технологии производства репринтных книг и печати по требованию.

Сначала мы отсканировали каждую страницу оригинала этой редкой книги на профессиональном оборудовании. Затем с помощью специально разработанных программ мы произвели очистку изображения от пятен, клякс, перегибов и попытались отбелить и выровнять каждую страницу книги. К сожалению, некоторые страницы нельзя вернуть в изначальное состояние, и если их было трудно читать в оригинале, то даже при цифровой реставрации их невозможно улучшить.

Разумеется, автоматизированная программная обработка репринтных книг – не самое лучшее решение для восстановления текста в его первоизданном виде, однако, наша цель – вернуть читателю точную копию книги, которой может быть несколько веков.

Поэтому мы предупреждаем о возможных погрешностях восстановленного репринтного издания. В издании могут отсутствовать одна или несколько страниц текста, могут встретиться невыводимые пятна и кляксы, надписи на полях или подчеркивания в тексте, нечитаемые фрагменты текста или загибы страниц. Покупать или не покупать подобные издания – решать Вам, мы же делаем все возможное, чтобы редкие и ценные книги, еще недавно утраченные и несправедливо забытые, вновь стали доступными для всех читателей.

Лѣтописный Сборникъ, именуемый Тверскою Лѣтописью, составленъ въ 1534-мъ году, Ростовскимъ селляниномъ, не получившимъ школьнаго образованія, какъ все это видно изъ слѣдующихъ мѣстъ Сборника: нынѣ же азъ начахъ переписывати сіе въ лѣто 7042 (*) (столб. 108); не бо бѣхъ Кіанинъ родомъ, ни Новаграда, ни Владимира, но отъ веси Ростовскихъ областей (столб. 142); не имамъ бо многыя памяти, ни научихся дохторскому наказанію, еже съчиняти повѣсти и украшати премудрыми словесы, якоже обычай имуть риторы (столб. 142).

Материалами при составленіи Сборника, въ которомъ описаніе событій оканчивается 7007 (1499) годомъ, служили:

- 1) Хронографъ, изъ котораго заимствованныя извѣстія помѣщены въ началѣ Сборника;
- 2) Софійскій Временникъ, съ вошедшею въ составъ его такъ называемою Несторовою Лѣтописью, въ которой, впрочемъ, нѣтъ ни сказанія Василя объ ослѣпленіи Василька, ни приписки Сильвестра;
- 3) Новгородская Лѣтопись. Нѣкоторыя изъ событій, прямо касающіяся Новгорода, изложены въ Сборникъ почти слово въ слово какъ въ первой Новгородской Лѣтописи;
- 4) Суздальская Лѣтопись. На два послѣдніе источника нѣсколько разъ указываетъ самъ составитель Сборника словами: Нов., Влад., поставленными имъ предъ описаніемъ событій.

5) Лѣтописецъ княженія Тверскаго. Объ этой Лѣтописи мы узнаемъ изъ Сборника, что она составлена неизвѣстнымъ лицомъ, по повелѣнію Тверскаго великаго князя Бориса Александровича (+ 1461), приказавшаго ему описать время княженія Михаила Александровича, сына Александра Михайловича. При изложеніи событій, предшествовавшихъ вступленію на престолъ Михаила Александровича, составитель Лѣтописи, какъ онъ самъ говоритъ, руководствовался Владимірскимъ полхрономъ (столб. 465). Извѣстія, внесенныя въ Сборникъ изъ Тверской Лѣтописи, представляютъ весьма много новыхъ и любопытныхъ данныхъ и становятся особенно важными, начиная съ княженія Ивана Михайловича, тѣмъ болѣе еще, что послѣ первой четверти XV вѣка прекращаются въ Никоновскомъ Сборникъ подробныя извѣстія о Тверскихъ событіяхъ.

Издаваемый Лѣтописный Сборникъ сверхъ сего иногда сообщаетъ, среди заимствованій изъ извѣстныхъ Лѣтописей, нѣкоторые новые факты, или представляетъ старыя въ иномъ свѣтѣ, какъ напр.: о разводѣ великаго князя Владимира Святославича съ Рогнедою по принятіи имъ крещенія и о постриженіи послѣдней въ монашество подъ именемъ Анастасіи (столб. 112); объ основаніи тѣмъ же великимъ княземъ Владиміромъ города Владимира на Клязьмѣ (столб. 113); о смерти въ Новьгородѣ перваго архіепископа Іоакима Корсулянина (столб. 146); о

(*) Ср. также извѣстіе о числѣ лѣтъ, истекшихъ отъ убіенія Татарами, въ Переяславль, епископа Симеона до года написанія Сборника, столб. 373—374.



томъ, что сочинителемъ похвалы великому князю Дмитрію Іоанновичу Донскому и брату его князю Владимиру Андреевичу былъ Софонія Рязанецъ, Брянскій бояринъ (столб. 440), и др.

Нельзя не обратить вниманія еще и на то обстоятельство, что составитель Лѣтописнаго Сборника, именуемаго Тверскою Лѣтописью, былъ не простымъ переписчикомъ матеріаловъ, имѣвшихся у него подъ рукою, но разумно понималъ свое дѣло, чему служатъ доказательствамъ слѣдующія мѣста изъ Сборника: Понеже въ иныхъ лѣтописцѣхъ пишеть: и до сего дне, занеже писалъ Георгій лѣтописецъ, а тогда Корьсунъ градъ стоялъ; азъ же нынѣ, преписываа его писанія, тако пишу: до взятія Корсунского, понеже много лѣтъ мину уже, како Корсунъ разорень бысть отъ Руси якоже рѣхъ маломъ выше о Корсуні, яко нѣсть его, но и о (и)нихъ о Рускихъ градѣхъ о мнозѣхъ тогда бысть писано: и до сего дне, понеже бысть тако тогда; нынѣ же азъ начахъ преписывати сіе въ лѣто 7042, и тако незгодно написати: и до сего дне; но, не рушаа писанія Георгіева, тако пишемъ: яко и до сего дне, а нѣсть тако, но нѣчто отчасти есть и до сего дне (столб. 108); пишеть же въ Новгородскомъ лѣтописци лѣто весною починаеть, а осень и зиму глаголетъ: тоя же осени и зыми; азъ же пишу по (и)ндикту начало, и сего ради не согажается лѣты съ инѣми лѣтописци, точію времена мѣсяцемъ въ лѣтѣ изсматрай, и послѣ коего начала лѣту пишеть, того и лѣта (столб. 285).

Единственная, до сихъ поръ извѣстная рукопись, которая содержитъ въ себѣ такъ называемую Тверскую Лѣтопись и которая послужила оригиналомъ для настоящаго изданія, принадлежитъ Императорской Публичной Библиотекѣ, въ которой хранится подъ № 970, въ отдѣлѣ рукописей, поступившихъ въ нея изъ Древлехранилища М. П. Погодина. Она писана въ л., на 197 листахъ, четкою Бѣлорусскою скорописью начала XVII-го вѣка, близко подходящею къ полуставному почерку (см. табл. снимковъ), и содержитъ въ себѣ, кромѣ издаваемаго Лѣтописнаго Сборника и двухъ статей, которыми онъ заключается: краткаго родословія Тверскихъ князей, начиная отъ Рюрика, и исчисленія владѣтельныхъ особъ въ Европѣ, Сказаніе о Доносскомъ бою, похвала великому князю Дмитрію Ивановичю и брату его князю Володимеру Андрѣевичу (л. 180 — 197).

Внизу 1-го листа находится слѣдующая подпись: Ex libris G. Zachariae Bozenies dariferii Kiow is; а на оборотѣ послѣдняго листа, сверхъ нѣсколькихъ незначительныхъ замѣтокъ разныхъ почерковъ и пробъ пера, стихи, изъ которыхъ мы приводимъ первыя четыре строки:

Отколѣ радости сея есть новина?
Весь свѣтъ триумфуетъ влячная година,
Древа, горы, холми каменные спали
Zdobial округъ свѣта плакать занежали.

На польскій рукописи нерѣдко встрѣчаются замѣтки на Польскомъ языкѣ, писанныя почеркомъ XVII вѣка и заключающія въ себѣ краткое содержаніе тѣхъ событій, передъ которыми онѣ помѣщены. Во многихъ мѣстахъ рукописи не только нѣтъ послѣдовательности въ происшествіяхъ, но даже и смысла, вслѣдствіе того, что лице, переписывавшее сборникъ, не обративъ вниманія

на то, что въ оригиналь листы перемѣшаны, переписало ихъ сплошь. П. М. Строевъ, которому принадлежала рукопись до поступленія ея въ Древлехранилище Погодина, трудился надъ приведеніемъ въ порядокъ ея содержанія и замѣтки его, написанныя на ея поляхъ, во многомъ облегчили трудъ изданія. Вообще слѣдуетъ замѣтить, что переписчикъ былъ довольно безграмотенъ; пропуски словъ, словъ и цѣлыхъ фразъ встрѣчаются часто. Всѣ дополненія, внесенныя въ текстъ, заключены въ скобки, а мѣста испорченныя, но исправленныя, означены въ подстрочныхъ выноскахъ. Въ изданіи сохранены всѣ особенности языка рукописи, какъ синтаксическія, такъ и орфографическія.

XV томъ Полнаго Собранія Русскихъ Лѣтописей приготовленъ къ изданію Главнымъ Редакторомъ Лѣтописей и Членомъ Археографической Коммиссіи Бычковымъ, при содѣйствіи ея Корреспондента А. К. Рѣшеткина, принявшаго на свой счетъ всѣ издержки по напечатанію этого тома.



XV.

ЛѢТОПИСНЫЙ СБОРНИКЪ,

ИМЕНУЕМЫЙ

ТВЕРСКОЮ ЛѢТОПИСЬЮ.

Хронографъ, глаголемый лѣтописецъ
Рускій.

Отъ Адама до потопа лѣтъ 2242.

А исышествіе Ноево изъ ковчега мѣсяца апрѣля 24.

А отъ потопа до размѣшенія языкъ 530 лѣтъ.

А отъ размѣшенія языкъ до начала Авраамля лѣтъ 552.

А отъ Авраама до пріятія Жидовскаго, прошедше сквозѣ Чръное море, лѣтъ 505.

А отъ исхода сыновъ Израилевъ до умертвья Давыда царя лѣтъ 630.

А отъ начала царства Соломона до взятія Иерусалимскаго лѣтъ 100, 443.

А отъ плѣненія Иерусалимскаго до умертвья Александра царя Макидонскаго лѣтъ 261.

А отъ умертвья Александрова до царства Августа Римскаго царя и до убіенія Клеопатрина лѣтъ 290.

А отъ начала царства Августа царя до рождества Великаго Царя небеси и земли, Господа

Бога и Спаса нашего Ісуса Христа, иже царствію Его нѣсть конца, лѣтъ 42.

Въкупѣ же отъ Адама до потопа родовъ 10.

А отъ потопа до Авраама родовъ 10.

А отъ Авраама до Давыда родовъ 14.

А отъ Давыда до преселенія Вавилонскаго родовъ 14.

А отъ преселенія Вавилонскаго до Христа родовъ 14.

Всѣхъ же родовъ отъ Адама до Христа 62, а лѣтъ полшесты тысячи.

О пророцѣхъ. Іовъ предвари рождество Христово за 1900 лѣтъ и 25; Моисей за 1070 лѣтъ; Самойль за 1035; Соломонъ за 1002 лѣтъ; Илія за 816 лѣтъ; Іеремія за 620 лѣтъ; Іезекія за 477 лѣтъ; Аггей же и Захарія за 70 лѣтъ; Даниль же за 360 лѣтъ.

Въ лѣто 5504, мѣсяца марта 25, благовѣсти архаггель Гавріиль радость святѣй Богородици и спасенія всему миру въ недѣлю, въ 2 часа дни. Пришедши ей на кладязь почръпсти воды, и яко почръпе водоносъ свой, и възглагола ей¹

(1) Въ подлинникъ: ие.
Т. XV.

аггелъ: радуйся, обрадованнаа, Господь съ тобою! Она же, озрѣвшись сѣмо и овамо, и никого же видѣ, токмо слыша, и въземъ водоносъ свой, идяше и дивящися въ умѣ своемъ, глаголющи: что се будетъ гласъ сій, еже слышахъ, а никого же видѣхъ? И пришедъ въ Назаретъ, прииде въ домъ, и сѣдши нача скати шелкъ червенатой, а по жиловскы кокинѣ, и ту явися ей аггелъ, но яко челоувѣкъ, и тогда благовѣсти ей рождество Христово, яко хоцетъ изъ неа Богъ Слово родитися. Отъ Назарета же до кладязя того яко мощно каменемъ вргнути.

Роди же ся Господь нашъ Исусъ Христосъ въ лѣто 5505, мѣсяца декаврїа 25, въ пятокъ, въ 7 часъ дни, въ 42 лѣто Августа кесара, и крестися въ лѣто 5532, мѣсяца генуарїа 6, въ 7 часъ ноци, въ 15 лѣто владычества Тиверїа кесара, кругъ солнцу 16, а луны 3.

Отъ рождества же Христова до Спасныа страсти лѣтъ 33 и полъ; крестися тридѣстолѣтень по рождествѣ отъ Иоанна въ Иорданнѣ. Иорданъ рѣка пала во море Содомское, еже зовется море Мертвое: нѣсть бо въ немъ ничтоже живое, ни рыбы, ни жука, ни чрѣва; а которую рыбу Иорданская вода вонесетъ, въ той часъ море изврже тую мертву. То же море отъ Христа збѣжало съ мѣста своего четири версты, и на томъ мѣстѣ трава не ростетъ и доннѣ.

По крещенїи же Христосъ ходилъ три лѣта и полтора мѣсяца, проповѣдаа царствїе Божїе и чудеса велїа творя. И възкреси Лазора изъ мертвыхъ въ субботу, 24 марта, а въ недѣлю вѣнїиде въ Иерусалимъ приати страсть волную. Ягъ же бысть Господь нашъ въ четвертокъ, въ 22 марта, въ 5 часъ ноци, ядше фаску; поругашася ему, приведше отъ Пилата. Тогда бо бѣше Евреомъ фаска въ 30 марта, въ пятокъ; глаголетъ бо писанїе: поставиша знаменїе по сердцю праздника своего, и не разумѣша знаменїе, еже есть крестъ.

И въ кїй часъ Исусу бывшу у Пилата во въпрошенїахъ, а они тогда яко пси мртвечину рваху, тако они, фаску жруще, на убїйство Христово спѣшаху. Егда испросивше его у Пилата на смерть, тогда немилостивно мучиша его воины, суще піани.

Ираспяша его въ лѣто 5535, мѣсяца марта 30, во 6 часъ дни. А възкресе Господь нашъ Исусъ Христосъ, Сынъ Божїй, мѣсяца апрїліа въ 1 день, въ 7 часъ ноци; свитаючи дни недѣльному, явися женамъ. И възнесеса Господь на небеса къ Отцу, идеже бѣ и прежде, мѣсяца маа 20, въ четвертокъ, въ 2 часъ дни. Присла же Духъ Святый на святыа своа ученики и апостоли въ день 50, въ недѣлю, въ 3 часъ дни. А мѣсяца іюня 15 раздѣлишася апостоли въ страны вселенныа учити вѣры Христовы: иже вѣру иметъ, спасень будетъ, а иже не иметъ вѣру, осужденъ будетъ.

И по успенїи же святыа Богородица, апостоли Христови меташа жребїа, которому во которую страну пойти учити вѣрѣ Христови. Петру же паде жребїй западнїа страны освятити; Андрею, брату его, вѣсточныя; и училъ святый апостоль Андрей около Понтыскаго моря, градъ Византїю, Синопїю, градъ великїй Херсонъ, Трапезонть, и Кафу, и Азовъ, и оттолѣ пошоль и нашелъ устїе Днѣпрское, и пошелъ по Днѣпру въ връхъ, и нашелъ горы высоки, и ночева тутъ; и наутрїа рече ученикомъ своимъ: «видите ли горы сїа? яко на сїихъ горахъ будетъ градъ великъ, и Христосъ славимъ хоце быти въ немъ, и цркви многыа въ немъ будутъ и Божїа благодать будетъ на мѣстѣ семъ.» И благослови мѣсто то, и постави крестъ, идеже нынѣ градъ Кїевъ. И оттолѣ пошелъ по Днѣпру въ връхъ до Ловоты, и по Ловоти, и паки вѣнїиде въ Ильмерь езеро великое; и пришедъ благослови мѣсто, идеже нынѣ Новгородъ, а людіе сїдѣюще подлѣ озера, и такоже къ ученикомъ рече: «яко будетъ здѣ градъ великъ и церкви божественныа многы.» И оттолѣ пошоль въ море

Варѣаское, и въ Пелопоннжѣ островѣ распять бысть.

А отъ воскресенія же Христова до 1-го лѣта царства Костантина великого царя лѣтъ 272.

А отъ начала царства Костантинова до прѣваго събора Никійскаго лѣтъ 12.

При семъ же велицѣмъ цари Костантинѣ бысть прѣвый съборъ въ градѣ Никейстѣмъ, святыхъ отецъ 318, а патриархъ былъ Александръ Царяграда, на Аріа злочестиваго, създаніе и тварь Сына Божіа глаголюще, мѣсяца мая въ 22. Умре же великій царь Костантинъ 65 лѣтъ. Се же о немъ явимъ въкратцѣ, кто¹ бѣ съи Костантинъ. Бѣаху владѣюще западною страною, рекше Римскою, тріе мужи, и аще который умретъ, и они иногo поставятъ въ того мѣсто, и того владѣли 460 и 18 лѣтъ. Бѣаше же у одного отъ тѣхъ трій мужій и жена непрадна, и въ немощъ въпаде въ смертную; жена же умре, а младенецъ трепетааше въ утробѣ ея. Боляре же, взявше ножъ, пропороша чрево ея, и выняша младенца жива и нарекоша имя ему Іулій Кесарь; и той Іулій Кесарь възрастъ, да своихъ двою товарищевъ убилъ; бѣ бо нравомъ гнѣвливъ, ростомъ малъ и чернъ, очи велицѣ. Бѣ у него воевода именовъ Антоній, и обручи за него сестру свою Октавію, и посла его на Птоломеа, Египетскаго царя, и на его дщерь Клеопатру мудрую. Онъ же шедъ и вмѣсто брани смиреніе възлюби; посла бо ко нему Клеопатра, глаголющи: «како хоцещи, съ кровію ли или безъ крове, градъ пріати?» Онъ же рече: «безъ крове;» и посагну за него² Клеопатра мудраа, дщи Птоломѣа Прокаженаго. И то увѣда Августъ, разгнѣвася на Антоніа и на Клеопатру, и не точию за оступленіе, но и за обруганіе сестры своеа Октавіи, и власть Октавію за Антипатра Иродовича, избившаго младенца. Пойде Августъ съ зятемъ Антипат-

ромъ воевати вѣсточныа страны, и то слышавъ Антоній, събра воа многы, Персы, и Миды и Ливію, и бысть имъ бой на мори, и отъ множества крове не бѣ знати воды, и тако убиень бысть Антоній, Клеопатру же яша живу. Въсхотѣ же Августъ привести ея живу въ Римъ на показаніе сестри своей Октавѣ, и повелѣ твердо стрещи ея; она же видѣвши себе плѣнену, и усмотривши, яко нѣсть ничто же славы честнѣйши, изволи тайную смерть сѣтворити себѣ, нежели плѣнницею зватися, и припусти къ собѣ двѣ скорпіи, ихъ же понаше въ сосудѣ въ пазусѣ своей, и утрави себе ими, и уядена бысть, и тако съмерть пріа. Августъ же много истомленіе дастъ воиномъ, стрегущимъ ю, о несъхраненіи ея; повелѣ же тѣло ея помазати змирною, дабы могль цѣло показати въ Римѣ тѣло ея. А и оттолѣ нача Іулій воевати вѣсточныа страны, Антиохію Великую, и Селевкію (и) Іерусалимъ, да пойма грады многы и покори подъ свою власть. И родися у него сынъ Августъ кесарь, и царствовалъ 52 лѣта; при томъ Августъ бысть рождество Христово.

Потомъ Тиверій же царствова въ Римѣ кесарь; при томъ распятся Господь нашъ Іоусъ Христосъ. По Тиверіи же царствова въ Римѣ Неронъ царь. По Неронѣ царствова Евспасіанъ, сынъ его. По Испасіанѣ царствова сынъ его Титъ; той Титъ взялъ градъ Іерусалимъ, три стѣни разбилъ и Жидовъ расточилъ по многымъ градомъ; оттолѣ нѣтъ у Жидовъ никакова града своего.

Потомъ же, по многыхъ лѣтѣхъ, царствова въ Римѣ злочестивій Діоклитіанъ и зять его Максиміанъ; и тѣ мучители мучиша многыхъ святыхъ мученикъ: Діоклитіанъ святаго Георгіа, а Максиміанъ святаго Димитріа въ Солуни, въ лѣто 6802; и во Никомидію пришедъ, двѣ тмѣ мученикъ огнемъ съжели. И въ Севастіи 40 мученикъ при ихъ же власти

(1) Въ подлинникѣ: вто. (2) Тамъ же: за но

мучены, и иныхъ многихъ мученикъ мучили. А Максиміану царю была сестра Θεодора за Костею за Зеленымъ, за отцемъ Костантина царя благочестиваго; да Костантинъ царь великій родися у Консты не отъ тое Θεодоры, но отъ Елены благочестивыя. Прилучися дѣло таково: царь Діоклитіанъ и Максиміанъ послали того Консту Зеленого на Прѣсидскую землю миръ взяти съ Прѣсидскимъ царемъ; и прилучися ему, идучи, ночевати въ градѣ Серпіи, у гостинника у Θεодора именемъ, и захотѣлося ему плотскаго¹ смѣшенія. Гостинникъ же дасть ему на ночь дщерь свою Елену, красну сушу, и тое ноци зачался у неа младенецъ. Конста же превысокій, поидя отъ гостинника, и оставилъ Еленѣ ризу царскую и прѣстень златъ, да пошелъ на восточную страну, рекше на Персидскую; и тамо пришедъ посолство исправилъ и миръ вѣчный взялъ, и възвратися въ Римъ инымъ путемъ, и бысть отъ царей въ чти величій. А у Елены доиде время, и родися у неа сынъ, и нарекоша имя ему Костантинъ, и живяше съ матерію; гостинникъ же Елены не далъ замужъ, но кормяше ю съ младенцемъ.

Потомъ же царь Діоклитіанъ и Максиміанъ поидоста царствовать въ Никомидію, а Римъ поручили Констѣ Зеленому; и потомъ (посла) Конста пословъ своихъ на Прѣсидскую землю, и прилучися имъ ночевати у того же гостинника. Дѣтескъ же Костантинъ, играа, въсѣде на пословъ конь; они же, видѣвше его тако дръзновенна, досадиша ему; онъ же, расплакався, пожаловася матери своей Еленѣ; она же, пославши къ посломъ ризу царскую и прѣстень златъ, рече: «егоже есть риза и прѣстень, то того есть сынъ сый.» Они же, видѣвши ризу и прѣстень, убояшася зѣло и едва укротиша младенца; и шедше на Прѣсидскую землю и възяша миръ, и придоша въ Римъ, и сказаша Констѣ царю про Елену и про сына еа. Конста же по-

сла по Елену и по сына еа, и приведе ю въ Римъ съ великою честію, и дасть ей полагу особную, и любяше ю паче царици Θεодоры. И потомъ умираа остави царство Римское Константину сыну своему. И царствова великій царь Константинъ въ Римѣ, и нача искати благочестія, и приведе заточеныя христіаны отъ темницъ, иже заточили злочестивіе царіе Діоклитіанъ и Максиміанъ, и нача искати православныя христіанскія вѣры; и въ то время бысть ему болѣзнь люта, яко не моци врачомъ исцѣлити еа; и съвѣшаша пару врачей, да вся прѣвородныя младенца повелить заклати и кровь ихъ точити во едину лохань, и тою кровію измытися ему и отъ недуга премѣнитися; онъ же повелѣ тому быти. И въсхавився отъ ложа и видѣ полкъ жены стоящъ великъ зѣло, плачущъ велми, и въпроси: «что суть си?» Они же сказаша ему, яко матери суть принесше своя младенца, иже хотятъ порѣзани быти твоего ради здравія. Онъ же рече: «хошу да сіа живи будутъ;» и о ту ноцъ явистася ему Христова апостола Петръ и Павелъ, рекоста: «Господь посла насъ исцѣленіе тебѣ съвѣтомъ дати сицевымъ: понеже не проліа кровь невинную, и сего ради Господь помилова тя, якоже и ты толико матерей помилова и съчады, и не послушалъ еси злыхъ врачей твоихъ, хотѣвшихъ погубити душу твою въ рвѣ погыбели, и² нынѣ да призовеши епископа Римскаго Селивестра именемъ, крыющагося страха ради мучителій, и речеть ти слово истинны, и породить³ тя водою и духомъ баинею паки бытіа, и дасть ти печать въсыновленія Божія, и отъ недуга твоего премѣнитися;» и сіа рекши невидима быста отъ него. Въ утрѣи же Костантинъ, призвавъ Селивестра папу Римскаго, и сказа ему (явл)еніе. Селивестръ сказа ему все по ряду православную вѣру христіанскую, и огласивъ его,

(1) Въ подлинникъ: плотскаго. (2) Тамъ же: ии. (3) Тамъ же: породито.

и крести въ имя Отца и Сына и Святаго Духа. Царь же крестився, и оттолѣ болѣ начать искати православіа. И потомъ поиде въ Греческую землю ко граду Византіи, и взять его, и създа въ Византіи мѣсто градъ въ имя свое, и нарече его Костантинградъ, и нача царствовати въ немъ и утвержати вѣру христіанскую.

И потомъ нѣкто прозвитель, именовъ Арій, нача хулы дѣлати на Сына Божіа и называти тварію. Царь же Костантинъ събра вселенскій съборъ въ градъ Никеи, святыхъ отецъ 318, въ нихъ же бѣ старѣйша собору Сильвестръ, папа Римскій, Александръ, патріархъ Царяграда, Витъ и Викентіе и Макарій отъ Ерусалима, и Увеналій отъ Египта, и Николае отъ Миръ, и Спиридонъ Тримифійскій, и отвргли Аріа еретика, и прокляша и единомыслию его, и утвердиша православную вѣру христіанскую, и оттолѣ нача простиратися вѣра христіанская. И на томъ съборѣ изложиша исповѣданіе православныя вѣры: Вѣрую въ единого Бога. Умре же Костантинъ царь великій, звѣздѣ провозвѣстивши смерть его, отравленъ навѣтомъ братіи своеа, дѣтей Θεодориныхъ, сый лѣтъ 65; остави же 3 сыны своа: Константу, и Константіа и Константа; въ Римѣ остави Константу, а въ Новѣмъ Римѣ Константіа, въ Антіохіи же Константа.

По Костантинѣ же царствова сынъ его Костантій; тѣмъ избыенымъ на ратехъ своимъ¹ неустроеніемъ.

По Костантіи же царствова Іуліанъ Законопреступникъ, иже на христіаны великомленіе показа и многыа мученикы сътвори, въ нихъ же великоименный Артемій, дука Александрійскій, и иныи мнози. При томъ бысть Василій Великій и Григорій Богословъ.

По Іуліанѣ же царствова Іулій, таже Гратіанъ. По Гратіанѣ же Іуалентъ, потомъ Великій Θεодосій, православный; по немъ Аркадій,

сынъ его. При семъ бысть великій Златоустъ. По Аркадіи же царствова сынъ его Θεодосій Юнний, глаголемый доброписецъ, иже крести его великій Златоустъ.

Отъ 1-го же събора до втораго лѣтъ 60. Бысть же сый съборъ въ Костантинградѣ, при велицѣмъ цари Θεодосіи, святыхъ отецъ 150, на Македоніа духоборца; а патріархъ Нектарій, и Богословъ Григорій отъ Нанзіанза и Григорій Нисскій.

А отъ втораго събора до третіаго лѣтъ 50. Сый святой третій съборъ бысть во Ефесѣ, при цари Θεодосіи Юннѣмъ, святыхъ отецъ 200, а патріархъ Кирилъ Александрійскій, на Несторіа злочтиваго, патріарха бывша Царяграда, чловѣкослужебника.

Отъ третіаго же събора до четвертаго лѣтъ 10. Сый² святой четвѣртый съборъ бысть при Маркіанѣ цари, въ Халкидонѣ³, а патріархъ былъ Анатолій Константинаграда, на Діоскора, и Еитихіа и Севгира, а святыхъ отецъ 630.

Отъ четвертаго же събора до пятаго лѣтъ 100. Сый бысть святой пятый съборъ при велицѣмъ цари Іустиніанѣ, въ Цариградѣ второе, святыхъ отецъ 165, а патріархъ Константинаграда Евтихіе, на суемысленаго Оригена.

Отъ пятаго же събора до шестаго лѣтъ 130. Сый бысть святой шестой съборъ при цари Костантинѣ Брадатѣмъ, въ Цариградѣ третіе, святыхъ отецъ 170, а патріархъ былъ Константинаграда Георгіе, на Сергіа, и Пѣра и Макаріа.

Отъ шестаго же събора до седмаго лѣтъ 122. Сый святой седмый съборъ бысть при цари Костантинѣ, сынѣ Леоновѣ, и матери его Иринѣ, второе въ Никеи, въ 11 октября, святыхъ отецъ 367, а патріархъ былъ Тарасій Царяграда; събравшеса на отмѣтающихся поклоненіа святыхъ иконъ. Въ то время бысть

(1) Въ подлинникъ: своихъ имъ. (2) Тамъ же: бже же сый. (3) Тамъ же вынесено на поле: 16-го іюля.

притча сичева: азъ есмь Анаскаридъ, жрецъ бога Аполона, вѣмъ, что не то Богъ истинный, но то Богъ, иже родится отъ пречистыя дѣвицы Маріама, да вѣрую въ оны; солнце видиши мя паки и узриши мя при цари Костантинѣ и Иринѣ. И събысться пророчество его за полторы тысящи лѣтъ. Въ Костантинѣградѣ начаша здати храмъ Святаа Святыхъ, и во подошвѣ обрѣли гробъ; въ гробѣ на прьстни золотѣ написано пророчество его. При Костантинѣ цари и матери его Иринѣ благовѣрное чааніе начатъ бывати, и судъ пріати начало съ дръзновеніемъ, и слову Божию разширятися, и монастыремъ съ всею тишиною съзидатися. Въ долнихъ же стѣнахъ, рекше притвори Фракійскаа, челоуѣкъ нѣкій, копаа, обрѣте раку написану: Христосъ хоцетъ родитися изъ Маріа Дѣвы, и вѣрую въ оны; при Костантинѣ же и Иринѣ, при правовѣрныхъ царь, о солнце, паки мя узриши.

А отъ седмаго събора до преложения священнихъ книгъ отъ Грекъ на Словенскій языкъ святымъ Кирилломъ философомъ лѣтъ 77.

Купно же отъ Адама до Христа 5505 лѣтъ.

А отъ Христа до Михаила благочестиваго царя лѣтъ 856.

А отъ Михаила до крещенія Болгарскія земля лѣтъ 17.

А отъ крещенія Болгарьскаго до преложения книгъ на Словенскій языкъ лѣтъ 22.

А отъ преложения книгъ до крещенія Русскія земли лѣтъ 78.

Купно же отъ Адама до крещенія Руского лѣтъ 6496.

А до Михаила отъ Адама лѣтъ 6360.

А отъ перваго лѣта Михаилова царства до Олга князя Рускаго, иже пръвое нача княжити въ Кіевѣ, лѣтъ 22. А отъ Олга до Игоря лѣтъ 31. А отъ Игоря до Святослава, сына его, лѣтъ 33. А отъ Святослава, сына его,

до Ярополка, сына его, лѣтъ 28. А Ярополкъ княжилъ 8 лѣтъ. А Володимеръ княжилъ 37 лѣтъ. А Ярослав¹ княжилъ сынъ его 40² лѣтъ.

Купно же отъ пръваго князя Олга, иже сѣде пръвое въ Кіевѣ, до крещенія Руской земли 4 князи; а княженія ихъ 102 лѣтъ.

А Рюрикъ княжи въ Новѣгородѣ 17 лѣтъ до Олгова княженія. А всего княженія до крещенія 127 лѣтъ. А по крещеніи Володимеръ княжи 27 лѣтъ, а до крещенія 8 лѣтъ.

По немъ Святополкъ княжи 3 лѣта.

Ярославъ княжи 40 лѣтъ.

Изяславъ княжи 23 лѣта.

Всеволодъ Ярославичъ княжи 15 лѣтъ.

А Михайло, нареченный Святополкъ, княжи 20 лѣтъ.

Володимеръ Всеволодичъ Манамахъ княжи 12 лѣтъ.

Вячеславъ княжи 4 мѣсяци.

Всеволодъ Ольговичъ княжи 8 лѣтъ.

Изяславъ Мьстиславичъ княжи лѣто едино.

Братъ его Ростиславъ княжи 6 мѣсяць.

Юрій княжи Долгорукий 3 лѣта.

Андрѣй Боголюбывый княжи 17 лѣтъ.

Ярополкъ княжи Ростиславичъ лѣто едино.

Михалко княжи лѣто.

Всеволодъ Юріевичъ княжи³ 37 лѣтъ.

Юрій Всеволодичъ княжи 5 лѣтъ.

Костантинъ Всеволодичъ Ростовскій княжи 2 лѣта. Паки по смерти его Юрій княжи 17 лѣтъ. Всего оба княжили 25 лѣтъ.

Ярославъ, братъ ихъ, Новгородскій, по Батыевѣ рати, 2 лѣта.

Святославъ Всеволодичъ, братъ ихъ, княжи 2 лѣта.

Андрѣй, братъ ихъ, княжи 3 лѣта.

Александръ Ярославичъ Невскій княжи 8 лѣтъ.

Василей Ярославичъ, братъ ихъ меншій, княжи 5 лѣтъ.

(1) Въ подлинникъ: ярославль. (2) Тамъ же на полѣ написано: 35. (3) Тамъ же: княжили.